

Broj: 02/2-02-1-2241/18

Datum: 27.04.2018.godine

SKUPŠTINA KANTONA SARAJEVO
Predsjedavajuća Skupštine

PREDMET: Zastupnička inicijativa, obavijest d o s t a v l j a s e.-

VEZA: Vaš akt broj: 01-05-13556/18 od 06.04.2018. godine;

Zastupnica Neira Dizdarević na 40. Radnoj sjednici Skupštine Kantona Sarajevo, održanoj dana 05.03.2018. godine, u okviru tačke Dnevnog reda „Poslanička pitanja, inicijative i odgovori“, a u skladu sa Poslovníkom Skupštine Kantona Sarajevo, **uputila je zastupničku inicijativu:**

"U posljednje vrijeme je zabilježen povećan broj nasilja nad učenicima osnovnih škola na području općine Vogošća. Posebnu pažnju želim skrenuti na zabrinutost roditelja osnovne škole „Porodice ef. Ramić“, gdje je prošlog mjeseca zabilježeno fizičko nasilje nad učenicom šestog razreda pomenute škole od strane punoljetne osobe u krugu od 100 metara, koji se dogodio nakon završetka nastave.

U pomenutoj školi je i prije ovog incidenta zabilježen upad od strane srednjoškolaca ili punoljetnih lica koji nasilno ulaze u školsko dvorište i u prostorije škole. Pored škole se nalazi obnovljena policijska kućica koja, nažalost, nije zadužena od strane Policijske uprave, kao dežurni objekat ovlaštenih lica.

Molim resorno ministarstvo da ovaj, naizgled bezazlen, ali itekako ozbiljan problem pokuša riješiti na način da se ispred školskih objekata, pola sata prije početka nastave do početka nastave, kao i za vrijeme velikog odmora i nakon završetka nastave, osigura da policijski službenici dežuraju u školskim dvorištima.

Posebnu pažnju skrećem na područje MZ Semizovac, gdje bi se pomenuta policijska kućica stavila u funkciju, obzirom da u krugu od 50 metara se nalazi kladionica, magistralna cesta i zabilježen broj narkomana i osoba nasilnog ponašanja".

Odgovor na zastupničku inicijativu:

Policijski službenici Uprave policije MUP-a Kantona Sarajevo, planskim aktivnostima, a u skladu sa Programom rada Uprave policije MUP-a Kantona Sarajevo, preventivno vrše obilazak svih škola (srednjih i osnovnih), kako na cjelokupnom području Kantona Sarajevo, tako i na području Općine Vogošća, a ispred škola se nalaze u vrijeme početka nastave, velikog odmora i završetka nastave.

Policijski službenici Sedme policijske uprave - Policijske stanice Vogošća, koji obavljaju poslove policajca u zajednici svakodnevno vrše obilazak škola i redovno ostvaruju kontakt sa odgovornim licima u istim.

Dana 19.04.2018. godine, policijski službenici Sedme policijske uprave - Policijske stanice Vogošća su obavili razgovor sa odgovornim licima svih škola na području Općine Vogošća, kojom prilikom je od strane odgovornih lica potvrđeno da nemaju informaciju i da nisu imali podnesenih prijava povećanog broja nasilja nad učenicima škola.

Na lokalitetu Općine Vogošća, od početka 2018. godine do sada je evidentiran jedan događaj fizičkog napada na učenika osnovne škole i to u mjesecu februaru 2018. godine, a radilo se o sljedećem:

Dana 23.02.2018. godine putem telefona direktor Osnovne škole "Porodice ef. Ramić", u naselju Semizovac, Općina Vogošća je Policijskoj stanici Vogošća prijavio da je njihov mlđb. učenik S. A, fizički napadnut od strane lica H.O. Izlaskom na lice mjesta policijski službenici Policijske stanice Vogošća obavili su intervju sa direktorom škole koji je izjavio da je dana 22.02.2018. godine oko 12,00 sati u neposrednoj blizini osnovne škole u ulici Nova cesta bb, Općina Vogošća lice H.O verbalno napao mlđb. S. A. Direktor škole je obavio razgovor sa navedenim učenicom i njegovim ocem S. M., a zatim i sa H. O. koji je na inicijativu roditelja napadnutog učenika upozoren.

Pored toga na području Sedme PU PS Vogošća su evidentirana dva slučaja protivpravnog ponašanja u blizini osnovne škole "Porodice ef. Ramić": Dana 23.02.2018. godine oko 09,40 sati u neposrednoj blizini osnovne škole, tačnije na velikom odmoru H. O. je zatekao mlđb. S. A. i istog fizički napao, tako što ga je stisnutom pesnicom udario u predio lijeve strane rebara, pri čemu je mlđb S.A. zadobio teške tjelesne povrede. Izlaskom na lice mjesta policijski službenici Policijske stanice Vogošća obavili su razgovor sa roditeljom mlđb. S. A., kojom prilikom je S. M. u Odjeljenju kriminističke policije Vogošća podnio prijavu protiv H. O. Istog dana oko 16,10 sati od strane policijskih službenika Odjeljenja kriminističke policije Vogošća, u mjestu Poturovići, Općina Vogošća lice H. O. je lišen slobode i procesuiran po članu 172 KZ FBiH (teška tjelesna povreda).

Policijski službenici Sedme policijske uprave - Odjeljenje kriminalističke policije je dana 16.03.2018. godine, Kantonalnom tužilaštvu Kantona Sarajevo dostavilo izvještaj o izvršenom KD-u sa operativnim materijalom sačinjenim povodom izvršenog krivičnog djela iz člana 172 KZ FBiH (teška tjelesna povreda) na štetu mlđb. S. A., za koje postoje osnovi sumnje da ga je počinio H. O.

Dana 05.03.2018. godine, Policijskoj stanici Vogošća, prijavljeno je narušavanje Javnog reda i mira, kojom prilikom je H. O. prijavio da je fizički napadnut od strane roditelja mlđb S. A., a radi se o S. M., te je nakon provedenih službenih radnji protiv S. M. Policijska stanica Vogošća Općinskom sudu u Sarajevu - Prekršajno odjeljenje podnijela Zahtjev za pokretanje prekršajnog postupka.

U dijelu zastupničke inicijative, koja se odnosi na stavljanje policijske kućice u funkciju, a koja je smještena u naselju Semizovac, informišemo vas, da se u neposrednoj blizini osnovne škole "Porodice ef. Ramić", u ulici Nova Cesta bb, područje MZ "Semizovac" nalazi policijska kućica u vlasništvu MUP-a Kantona Sarajevo, a koju koriste policijski službenici Policijske stanice Vogošća. Pomenutu kućicu koristi rukovodilac sektora po ukazanim potrebama prilikom obilaska terena i obavljanja poslova i zadataka na sektoru, vrši kontakt sa građanima, kao i uposlenicima navedene osnovne škole i u kojoj vrši i druge službene poslove i radnje u skladu sa Zakonom po ukazanoj potrebi.

U narednom periodu policijski službenici Uprave policije Ministarstva unutrašnjih poslova Kantona Sarajevo će nastaviti sa obilaskom osnovnih škola i drugih obrazovnih ustanova, gdje će prvenstveno svojim prisustvom preventivno djelovati, a protiv lica koja budu kršila zakonske norme, preduzimati propisane represivne mjere.

